

DODATAK

GRAČANIČKI GLASNIK
časopis za kulturnu
historiju

Broj 44, godina XXII
novembar, 2017. [str. 188-
189]

© Monos 2017

Glosar novih autora

Almina Alagić, rođena 1971. godine u Tešnju. Završila srednju medicinsku školu u Doboju, te započela studij biologije na Prirodno-matematičkom fakultetu Univerziteta u Sarajevu, koji prekida na trećoj godini uslijed izbijanja agresije i rata. Kasnije završava studij razredne nastave na Filozofskom fakultetu u Zenici, gdje je 2011. godine i magistrirala. Trenutno pohađa doktorski studij na Filozofskom fakultetu u Banja Luci. Do sada je objavila veći broj stručnih i preglednih radova, za časopise "Didaktički putokaz", "Naša škola", "Pedagoška revija", kao i u stručnim časopisima u Turskoj i Indiji. Trenutno radi kao direktorica J.U. Opće biblioteke Tešanj.

Goran Behmen, rođen 1978. godine u Sarajevu. Diplomirao je na Pravnom fakultetu Univerziteta u Sarajevu 2002. godine. Drugi ciklus studija upisuje na Odsjeku za historiju Filozofskog fakulteta Univerziteta u Sarajevu, gdje je 2009. godine odbranio magistarski rad pod nazivom "Vladarska ideologija bosanske vlastele". Doktorske studije nastavlja na Odsjeku za historiju baveći se temom državnosti srednjovjekovne Bosne kao historiografskim problemom u 19 i 20 stoljeću. Zaposlen je u sektoru za multilateralne odnose Ministarstva vanjskih poslova Bosne i Hercegovine.

Adi Ćorović, doktor tehničkih nauka, rođen je u Sarajevu 1970., gdje je završio gimnaziju i upisao Arhitektonski fakultet. Godine 1997. diplomirao je na Arhitektonskom fakultetu na Politehniku u Milanu, a 2012. odbranio doktorsku disertaciju na Arhitektonskom fakultetu u Sarajevu naslovljenu „Andrea Bruno - kreiranje nove autentičnosti u suvremenom pristupu kulturno-povijesnoj baštini“. Radi kao stručni savjetnik za graditeljsko naslijeđe u Komisiji za očuvanje nacionalnih spomenika BiH, ekspert je Fondacije „Life Beyond Tourism - Romualdo Del Bianco“ iz Firenze koja se bavi kulturnim turizmom, povremeni je predavač na IUS Sarajevo (2016/17) Glavno područje njegovog zanimanja su savremeni fenomeni i intervencije, vezane za historijske jezgre s posebnim naglaskom na gradsko područje Sarajeva. Nositelj je 78 naučno-istraživačkih elaborata na osnovu kojih su proglašavana kulturna dobra nacionalnim spomenicima od strane Komisije za očuvanje nacionalnih spomenika BiH, od kojih se iz-

dvajaju „Historijsko gradsko područje Sarajevske čaršije“ (2014) i „Grupa objekata Gazi Husrevbegovog vakufa u Sarajevu“ (2009);

Dženita Sarač Rujanac, doktor historijskih nauka, naučni saradnik Instituta za historiju Univerziteta u Sarajevu. Rođena je u Travniku 1982. godine, a osnovnu školu i gimnaziju pohađala u Donjem Vakufu. Na Filozofskom fakultetu u Sarajevu, Odsjeku za historiju diplomira je 2004. godine. Na istom fakultetu magistrirala je 2010. godine s radom na temu „Odnos vjerskog i nacionalnog u identitetu Bošnjaka od 1980. do 1990. godine“. Doktorsku disertaciju „Politička djelatnost Branka Mikulića 1965. - 1988.“ odbranila je u maju 2016. godine. Predmet njenog naučnog interesovanja jeste politički, ekonomski i kulturni razvoj Bosne i Hercegovine tokom XX stoljeća, posebno aktivnost političke elite kao i pitanja vezana za konstrukcije i različite percepcije nacionalnog i religijskog identiteta. Objavila je knjigu „Odnos vjerskog i nacionalnog u identitetu Bošnjaka od 1980. do 1990. godine“ (Sarajevo: Institut za istoriju, 2012.) kao i niz članaka i prikaza knjiga na bosanskom i engleskom jeziku. Do sada je sudjelovala u nekoliko međunarodnih naučno-istraživačkih projekata i uzela učešće u radu dvadesetak domaćih i međunarodnih konferencija, skupova i stručnih radionica.

Edin Veladžić, doktor političkih nauka, rođen je 1973. godine u Varoškoj Rijeci, općina Bužim. Na Filozofskom fakultetu Univerziteta u Sarajevu na Odsjeku za historiju diplomirao je 17. februara 2000. godine. Radio je dvije godine u Sarajevu kao nastavnik historije, a od 2003. do 2007. godine bio je uposlenik Instituta za historiju u Sarajevu kao stručni saradnik za modernu historiju. Magistrirao je na austrougarskom periodu bosanskohercegovačke historije 2007. godine. Doktorsku disertaciju, pod naslovom „Kulturne politike u Bosni i Hercegovini u svjetlu kulturne politike Europske unije“, odbranio je na Fakultetu političkih nauka Univerziteta u Sarajevu 2016. godine. Imao je nekoliko stručnih usavršavanja u inostranstvu. Autor je većeg broja stručnih i naučnih radova, policy istraživanja i prikaza. Godine 2014. imenovan je za ambasadora europske krovne organizacije edukatora historije EUROCLIO. Učesnik je više od 150 međunarodnih naučnih i stručnih konferencija, foruma, seminara i obuka različitog karaktera, uglavnom iz oblasti historije, europskih integracija, kulturnog naslijeđa i kulturnih politika na nivou Vijeća Europe i Europske Unije. Uz bosanski aktivno govori engleski jezik, a na osnovnom pasivnom nivou služi se ruskim, turskim, arapskim i njemačkim jezikom. Od 2007. godine uposlenik je u Ministarstvu civilnih poslova BiH.